



Adresa: Ul. Hamdije Čemerlića 39.
71000 Sarajevo
<http://www.voda.ba>

tel. +387 33 726-422
fax. +387 33 726-423
e – mail: info@voda.ba

Broj: **UP-1/21-2-40-302-4/23**

Datum: 23.08.2023. godine

„Agencija za vodno područje rijeke Save“ Sarajevo rješavajući po zahtjevu pravnog lica „AB-Trans“ d.o.o. Tešanj, za izdavanje vodne saglasnosti na projektnu dokumentaciju za ispuštanje otpadnih voda i specifičnih uticaja koji mogu nastati pri aktivnostima na eksploataciji i preradi mineralne sirovine krečnjaka, na lokalitetu Trebačko brdo, općina Tešanj, na parceli označenoj kao k.p. broj:703/1 K.O. Trepče, općina Tešanj, na osnovu člana 114., a u vezi sa članom 139. stav (1) tačke 3. i 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 49/99 i 61/22), donosi

RJEŠENJE **o vodnoj saglasnosti**

1. Investitoru „AB-Trans“ d.o.o. Tešanj daje se vodna saglasnost na projektnu dokumentaciju, za ispuštanje otpadnih voda i specifičnih uticaja koji mogu nastati pri aktivnostima na eksploataciji i preradi mineralne sirovine krečnjaka, na lokalitetu Trebačko brdo, općina Tešanj, na parceli označenoj kao k.p. broj:703/1 K.O. Trepče, općina Tešanj, a u skladu sa projektnom dokumentacijom:
 - Glavni projekat prikupljanje i tretman oborinskih i otpadnih voda industrijskog kruga kamenoloma „Trebačko brdo“, lokacija Trepče-općina Tešanj, urađen od strane Inpros d.o.o. Mostar, broj:PTOV 01-08/23, avgust 2023. godine.Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Ova vodna saglasnost ne oslobađa podnosioca zahtjeva obaveze pribavljanja vodne saglasnosti za korištenje vode i ispuštanje sanitarnih otpadnih voda za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona, u skladu sa članom 139. stav 2. tačka 1. i 2. Zakona o vodama kao i saglasnosti i dozvola od strane drugih nadležnih organa u skladu sa drugim Zakonima.
3. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se ovjerena od strane ove Agencije u skladu sa odredbama člana 114. stav (3) Zakona o vodama vraća investitoru na trajno čuvanje.
4. Vodna saglasnost se daje pod slijedećim uslovima:
 - 4.1. Radove na izgradnji objekata za prikupljanje, odvođenje i tretman oborinskih onečišćenih voda sa radnih, saobraćajnih i pripadajućih manipulativnih površina izvršiti u skladu sa ovjerenom projektnom dokumentacijom iz tačke 1. dispozitiva ovog Rješenja.
 - 4.2. Nakon izvođenja radova sistema odvodnje i prečišćavanja oborinskih onečišćenih voda potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.
 - 4.3. Način ugradnje separatora i stavljanje istog u pogon uskladiti sa proizvođačem opreme.
 - 4.4. Od isporučioaca separatora pribaviti garanciju da će parametri kvaliteta prečišćenih oborinskih voda biti u granicama propisanih vrijednosti, definisanih u važećoj Uredbi o

uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20,96/20).

4.5. Da se nakon predviđenih uređaja za tretman otpadnih voda izvrši ugradnja revizionih šahtova na svim ispuštima, a u svrhu praćenja kvaliteta efluenta (monitoring).

4.6. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.

4.7. Površinu na kojoj će se odvijati pretakanje ulja, masti i nafte neophodno je izgraditi otpornu na djelovanje naftnih derivata.

4.8. Manipulativnu i parking površinu potrebno je izvesti sa odgovarajućim nagibima i pripadajućim slivnicima.

4.9. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim.

4.10. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.

4.11. Predvidjeti da se sav nastali otpad (emulzionih ulja, starih filtera, zauljenih krpa i dr.) prikuplja u skladu sa važećim propisima o postupanju sa otpadom.

4.12. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj:12-19-12811/22 od 28.04.2023. godine izdato od strane Ministarstva za prostorno uređenje, promet i komunaikacije i zaštitu okoline Zeničko-dobojskog kantona i Rješenja o provedenoj prethodnoj procjeni utjecaja na okoliš, broj:UPI 05/1-02-19-4-21/23 od 07.04.2023. godine izdatog od strane Federalnog ministartva okoliša i turizma.

5. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.

6. Ukoliko se u toku izvođenja radova i korištenja premetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procjenjenu štetu nadoknaditi.

7. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl.novine FBiH“ broj: 31/15, 55/19, 41/20, 63/22).

8. Ova vodna saglasnost prestaje važiti istekom roka od dvije godine od pravosnažnosti ovog rješenja, ukoliko u tom periodu ne bude pribavljeno odobrenje za gradnju i započeta izgradnja objekata u skladu sa glavnim projektom iz tačke 1. dispozitiva ovog rješenja.

9. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „AB-Trans“ d.o.o. Tešanj, zahtjevom od 20.07.2023. godine, zatražio je izdavanje vodne saglasnosti na projektnu dokumentaciju za ispuštanje otpadnih voda i specifičnih uticaja koji mogu nastati pri aktivnostima na eksploataciji i preradi mineralne sirovine krečnjaka, na lokalitetu Trebačko brdo, općina Tešanj, na parceli označenoj kao k.p. broj:703/1 K.O. Trepče, općina Tešanj.

U provedenom postupku, uz zahtjev za izdavanje vodne saglasnosti dostavljena je slijedeća doklumentacija:

A. Opća dokumentacija

- Rješenje o izmjenama podataka, broj:043-0-Reg-18-000362 od 05.04.2018. godine izdato od strane Općinskog suda u Zenici – ovjerena kopija,

- Obavještenje o razvrstavanju poslovnog subjekta prema klasifikaciji djelatnosti, broj:07-28-5-8473/23 od 01.06.2023. godine izdato od strane Službe za statistiku za područje Zeničko-dobojskog kantona – ovjerena kopija,

- Uvjerenje o registraciji poreznog obveznika od 18.04.2018. godine izdato od strane Kantonalnog poreznog ureda Zenica – ovjerena kopija,

- Rješenje o prethodnoj vodnoj saglasnosti, broj:UP-I/25-1-40-335-5/20 od 10.09.2020. godine izdato od strane Agencije za vodno područje rijeke Save, Sarajevo – kopija,
- Rješenja o provedenoj prethodnoj procjeni utjecaja na okoliš, broj:UPI 05/1-02-19-4-21/23 od 07.04.2023. godine izdato od strane Federalnog ministarstva okoliša i turizma - kopija,
- Ugovor o koncesiji za istraživanje i eksploataciju krečnjaka na lokalitetu „Trebačko brdo“, općina Tešanj, broj:04-18-12263/19 od 20.07.2020. godine potpisan sa Ministarstvom za privredu Zeničko-dobojskog kantona – kopija,
- Rješenje o urbanističkoj saglasnosti, broj:12-19-5843/20 od 05.08.2021. godine izdato od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona – kopija,
- Rješenje o urbanističkoj saglasnosti, broj:12-19-12811/22 od 28.04.2023. godine izdato od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona – kopija
- Dokaz o uplaćenju upravnoj pristojbi

B. Tehnička dokumentacija

- Glavni projekat prikupljanje i tretman oborinskih i otpadnih voda industrijskog kruga kamenoloma „Trebačko brdo“, lokacija Trepče-općina Tešanj, urađen od strane Inpros d.o.o. Mostar, broj:PTOV 01-08/23, avgust 2023. godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari

U provedenom postupku konstatovano je sljedeće:

Za potrebe otvaranja kamenoloma na lokalitetu Trebačko brdo, koji se nalazi u neposrednoj blizini naselja Trepče, općina Tešanj, izvršena su detaljna geološka istraživanja. Na bazi rezultata provedenih istraživanja urađen je Elaborat o klasifikaciji, kategorizaciji i proračunu rezervi krečnjaka kao arhitektonsko-građevinskog i tehničkog-građevinskog kamena na lokalitetu "Trebačko brdo"- Trepče. Ministarstvo za privredu Zeničko-dobojskog kantona je Rješenjem broj: 04-14- 10036-6/22 od 28.11.2022. godine, potvrdilo rezerve krečnjaka po navedenom Elaboratu. Ministarstvo za prostorno uređenje, promet i komunikacije i zaštitu okoline Zeničko-dobojskog kantona je Rješenjem broj: 12-19-12811/22 od 28.04.2023. godine izdalo privrednom društvu "AB-TRANS" d.o.o. Tešanj Urbanističku saglasnost za eksploataciju mineralne sirovine krečnjaka na predmetnom ležištu, a Ministarstvo za privredu Zeničko-dobojskog kantona je Rješenjem broj: 04-14- 06324-1/23 od 17.07.2023. godine, privrednom društvu odobrilo eksploataciju mineralne sirovine krečnjaka kao AG i TG kamena na lokalitetu "Trebačko brdo", općina Tešanj.

Pravno lice je potpisalo Ugovor o koncesiji za istraživanje i eksploataciju krečnjaka na lokalitetu „Trebačko brdo“, općina Tešanj, broj:04-18-12263/19 od 20.07.2020. godine sa Ministarstvom za privredu Zeničko-dobojskog kantona.

Od strane Federalnog ministarstva okoliša i turizma pravno lice je ishodovalo Rješenje o provedenoj prethodnoj procjeni utjecaja na okoliš, broj:UPI 05/1-02-19-4-21/23 od 07.04.2023. godine.

U dokaznom postupku utvrđeno je da projektna dokumentacija urađena u skladu sa uslovima iz Rješenja o prethodnoj vodnoj saglasnosti, broj:UP-I/25-1-40-335-5/20 od 10.09.2020. godine izdatog od strane Agencije za vodno područje rijeke Save, Sarajevo, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju iz tačke 1. dispozitiva ovog Rješenja data vodna saglasnost na istu. Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama i člana 7. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Podnosilac zahtjeva je uplatio upravnu taksu u iznosu od 60 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine Federacije BiH”, broj 6/98, 8/00, 45/10, 43/13).

Uputa o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

mr. sci. Selma Merdan, dipl.inž.geol.

Prilog: (Tehnička dokumentacija navedena pod tačkom B obrazloženja Rješenja).

Po ovlaštenju
Rukovodilac sektora za izdavanje vodnih akata

Hans Allsehnović, dipl.inž.grad.

Dostaviti:

- „AB-Trans” d.o.o. Tešanj
- Patriotske lige 40, 74260 Tešanj, (sa prilogom),
- Ⓢ AVP-ISV -Vodna knjiga,
- Sektor 40, arhiva,
- Oglasna tabla AVP-Sava Sarajevo